

Ulloq: 08.11.17

UKA2017/131

**Qanoq iliornikkut Sarfaq Ittuup Ilulissat-niit kujammukarnermini inuit Kangaatsiaqmiut taakkulu eqqaamiui aqqusaarneqarsinnaalernissaat pillugu aaqqiisoqarsinnaanersoq apeqquteqaat aallaavigalugu oqallisissiaq.**

(Inatsisartuni ilaasortaq, Villy Olsvig, Inuit Ataqatigiit)

Siumumiit siullermik qujarusuppugut apeqquteqaat aallaavigalugu oqallisissiamut.

Nunatsinni angallaneq imaannaanngissinnaasoq, nuna isorartuumi, inuit ikittuinnaanguulluta najugaqarpugut. Taamaamat tamatta nalunngilarput akiliisussat amerlanngilagut. Tamanna Siumumiit ilisimaaralugu, angallannermut kiffartuussinermi aningaasaliissutit, angallannermilu aaqqissuussaaneq sapinngisaq tamaat pitsaasumik, aningaasaliissutinillu atorluaaneq, sulinermi toqqammaviussasoq.

Aammattaarlumi aningaasanut inatsimmi takusinnaavarput aningaasat amerlangaatsiartut Arctic Umiaq Linemut ingerlatsinermut tapiissutaasut. Tassa imminut akilersinnaasumik ingerlattinissaq ajornakusoortarmat. Taamaattumillu Siumumiit isumaqarpugut Naalakkersuisup erseqqaarissumik akissummini ullumikkut aaqqiisimaneq nassuiaatigigaa.

Kiisalu ilisimavarput nalilersuinerit ataavartumik naalakkersuisuniik aammaalu Arctic Umiaq Line-imiit ingerlanneqartut.

Taamatut oqaaseqarluta, naggataatigut i Naalakkersuisunut kaammattuutigerusuppagut nalilersuiuarnerit aqutissiuussinerillu ingerlaartuassasut.

Qujanaq.

Jens-Erik Kirkegaard

Siumut